



ხელშეკრულება სახელმწიფო შესყიდვის შესახებ №104

ქ. თბილისი

10 აპრილი 2017 წელი

ერთის მხრივ საქართველოს მთავრობის ადმინისტრაცია, წარმოდგენილი საქართველოს მთავრობის ადმინისტრაციის ადმინისტრაციული მართვის დეპარტამენტის უფროსის ილია ბეგიაშვილის სახით (შემდგომში - შემსყიდველი) და მეორეს მხრივ შპს „ანკო“ დირექტორის ანა მეტრეველის სახით (შემდგომში - მიმწოდებელი) იმის გათვალისწინებით, რომ შემსყიდველმა ჩაატარა გამარტივებული ელექტრონული ტენდერი (SPA170004730) საქართველოს მთავრობის ადმინისტრაციის საჭიროებისათვის ტელევიზორების შესყიდვაზე (CPV32324000), რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმადაც, მიმწოდებელმა აიღო ვალდებულება მიაწოდოს შემსყიდველს ზემოაღნიშნული საქონელი.

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 “ხელშეკრულება სახელმწიფო შესყიდვის შესახებ” (შემდგომ-“ხელშეკრულება”) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 “ხელშეკრულების ღირებულება” ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 “შემსყიდველი ორგანიზაცია” (შემდგომ “შემსყიდველი”) - შესყიდვის განმახორციელებელი პირი;
- 1.4 “მიმწოდებელი” - პირი, რომელმაც შემსყიდველ ორგანიზაციასთან დადო ხელშეკრულება სახელმწიფო შესყიდვის შესახებ;
- 1.5 “დღე”, “კვირა”, “თვე” ნიშნავს კალენდარულ დღეს, კვირას, თვეს.

მუხლი 2. ხელშეკრულების ობიექტი და ღირებულება

2.1. ხელშეკრულების ობიექტს წარმოადგენს ტელევიზორების შესყიდვა;

2.1.1.

დასახელება	ტექნიკური მახასიათებელი	მწარმოებელი კომპანია/მოდელი	რაოდენობა	ერთ. ფასი	ჯამი
ტელევიზორი	ეკრანის ზომა : 32 ინჩი (81 სმ დიაგონალი); ეკრანის გარჩევადობა: 1366x768 (HD); ეკრანის ტიპი: LED; ხმა: 10W x 2; ინტერფეისები: 2ცალი HDMI; 1 ცალი USB პორტი (ვიდეო, აუდიო, სურათების წაკითვის ფუნქციით); ფერი: შავი; DVB-T, DVB-T2, DVB-C მხარდაჭერა; დისტანციური მართვის პულტი	Panasonic TX32DR400 ჩინეთი	2	600	1200
ტელევიზორი	ეკრანის ზომა : 40 ინჩი (101 სმ დიაგონალი); ეკრანის გარჩევადობა: 1920x1080 (Full HD); ეკრანის ტიპი: LED; ხმა: 10W x 2; ინტერფეისები: 2ცალი HDMI; 1 ცალი USB პორტი (ვიდეო, აუდიო, სურათების წაკითვის ფუნქციით); ფერი: შავი; DVB-T, DVB-T2, DVB-C მხარდაჭერა; კედელზე დაკიდვის შესაძლებლობა.	Panasonic TX40DR400 ჩინეთი	1	876	876

2.1.2. შესყიდვის ობიექტზე ვრცელდება ერთ წლიანი საგარანტიო მომსახურება, რომლის ფარგლებშიც ტექნიკა უნდა შეკეთდეს ან შეიცვალოს ახლით 5 სამუშაო დღის ვადაში.

2.2. ხელშეკრულების საერთო ღირებულება განისაზღვრება 2076 (ორიათასსამოცდათექვსმეტი) ლარით.

2.3. ხელშეკრულების ღირებულებაში შედის საქართველოს კანონმდებლობით გათვალისწინებული ყველა გადასახადი, რომლის გადახდა ეკისრება “მიმწოდებელს”.

3. ხელშეკრულების შესრულების კონტროლი

3.1. ხელშეკრულებით ნაკისრი ვალდებულებების შესრულების კონტროლს და მიღება-ჩაბარების აქტის გაფორმებას განახორციელებს:

3.1.1. საქართველოს მთავრობის ადმინისტრაციის შესყიდვების სამსახურის მრჩეველი ელგუჯა სეხნიაშვილი;

3.1.2. საქართველოს მთავრობის ადმინისტრაციის მატერიალურ-ტექნიკური უზრუნველყოფის სამსახურის მთავარი სპეციალისტი ანა ზაბახიძე.

4. საქონლის მიწოდების ადგილი, ვადები და პირობები

4.1. საქონლის მიწოდების ადგილია ქ. თბილისი, ინგოროყვას ქ. №7.



4.2. საქონლის მოწოდება განახორციელდება ხელშეკრულების გაფორმების შემდეგ, 10 სამუშაო დღის ვადაში.
4.2.1. შესასყიდი ობიექტი სრულად უნდა აკმაყოფილებდეს სატენდერო დოკუმენტაციაში (SPA170004730) წარმოდგენილ მოთხოვნებს.

5. საქონლის მიღება-ჩაბარება

5.1. საქონლის ფაქტიურად მიღების შემდეგ მხარეებს შორის ფორმდება მიღება-ჩაბარების აქტი, რომლის საფუძველზეც "მიმწოდებელი" "შემსყიდველს" წარუდგენს სასაქონლო ზედნადებსა და საგადასახადო ანგარიშ-ფაქტურას საგადასახადო კოდექსით დადგენილი წესითა და ვადებში.

5.2. შემსყიდველის მიერ მიღებული საქონლის აღიარება (ცნობა) მოხდება შესასყიდი ობიექტების მიღების შემდეგ ორივე მხარისაგან ხელმოწერილი მიღება-ჩაბარების აქტის, დადასტურებული სასაქონლო ზედნადებისა და საგადასახადო ანგარიშ-ფაქტურის საფუძველზე.

6. ანგარიშსწორების პირობები:

6.1. ანგარიშსწორება მხარეთა შორის ხორციელდება 2017 წლის საბიუჯეტო ასიგნებების ფარგლებში, უნაღდო ანგარიშსწორების წესით, "მიმწოდებლის" მიერ მითითებულ საბანკო ანგარიშზე.

6.2. ანგარიშსწორების საფუძველია მხარეების უფლებამოსილი პირების მიერ გაფორმებული მიღება-ჩაბარების აქტი, წარმოდგენილი სასაქონლო ზედნადები და საგადასახადო ანგარიშ-ფაქტურა საგადასახადო კოდექსით დადგენილი წესითა და ვადებში.

6.3. "მიმწოდებელთან" ანგარიშსწორება განხორციელდება 6.2. პუნქტით განსაზღვრული დოკუმენტების წარმოდგენიდან 10 (ათი) სამუშაო დღის ვადაში.

მუხლი 7. მხარეთა უფლება-მოვალეობანი

7.1. "შემსყიდველი ორგანიზაცია" უფლებამოსილია:

7.1.1. საქართველოს კანონმდებლობის შესაბამისად შეაჩეროს ან შეწყვიტოს ხელშეკრულების მოქმედება, თუ მიმწოდებლის მიერ წარმოდგენილი მონაცემები ყალბი აღმოჩნდება; აგრეთვე, საქართველოს კანონმდებლობით გათვალისწინებულ სხვა შემთხვევებში;

7.1.2. აწარმოოს საქონლის ხარისხის ინსპექტირება სახელმწიფო შესყიდვის შესახებ ხელშეკრულების შესრულების ნებისმიერ ეტაპზე.

7.2. "შემსყიდველი ორგანიზაცია" ვალდებულია:

7.2.1. მოახდინოს ანგარიშსწორება მიმწოდებელთან წინამდებარე ხელშეკრულების მე-6 მუხლით გათვალისწინებული წესისა და პირობების შესაბამისად;

7.3. "მიმწოდებელი" უფლებამოსილია:

7.3.1. მიიღოს მიწოდებული საქონლისათვის ხელშეკრულებით გათვალისწინებული ანაზღაურება.

7.4. "მიმწოდებელი" ვალდებულია:

7.4.1. მიაწოდოს შემსყიდველ ორგანიზაციას ნივთობრივად და უფლებრივად უნაკლო საქონელი;

7.4.2. შეტყობინების მიღებისთანავე დაუყოვნებლივ განახორციელოს წუნდებული საქონლის შეცვლა შემსყიდველის მხრიდან რაიმე დამატებითი დანახარჯის გაწევის გარეშე;

მუხლი 8. დაუძლეველი ძალა

8.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

8.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა მეორე მხარეს აცნობოს მათი დადგომის ან/და დასრულების შესახებ. წინააღმდეგ შემთხვევაში შესაბამისი მხარე არ გათავისუფლდება ნაკისრი ვალდებულებებისაგან.

8.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 9. ხელშეკრულების პირობების და ფასების გადასინჯვა

9.1. ხელშეკრულებაში ცვლილებები და დამატებები შეიძლება შეტანილ იქნეს ორივე მხარის თანხმობით; ცვლილებების და დამატებების შეტანა ხორციელდება წერილობითი ფორმით;

9.2. ხელშეკრულების პირობების შეცვლა დაუშვებელია, თუ ამ ცვლილების შედეგად შემსყიდველი ორგანიზაციისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, შესაძლებელია გაიზარდოს სახელშეკრულებო ღირებულება არაუმეტეს სახელმწიფო შესყიდვის შესახებ ხელშეკრულების ჯამური ღირებულების 10 (ათი) პროცენტისა;

9.4. ხელშეკრულების პირობების ნებისმიერი ცვლილება უნდა გაფორმდეს "შეთანხმების" სახით, რომელიც ჩაითვლება ხელშეკრულების განუყოფელ ნაწილად;

8.5. ხელშეკრულებაში ცალმხრივად შეტანილი ცვლილებები და დამატებები ბათილია შეტანის მომენტიდან.



მუხლი 10. ხელშეკრულების შეწყვეტა

წინამდებარე ხელშეკრულების შეწყვეტის საფუძვლებია:

- 10.1. მხარეთა შეთანხმება;
- 10.2. ხელშეკრულებით ნაკისრი ვალდებულებების შეუსრულებლობა;
- 10.3. საქართველოს კანონმდებლობით გათვალისწინებული სხვა შემთხვევები.

მუხლი 11. დავის გადაწყვეტა

- 11.1. მხარეები სადავო საკითხებს წყვეტენ ურთიერთშეთანხმების საფუძველზე;
- 11.2. თუ ასეთი შეთანხმება ვერ იქნება მიღწეული, მხარეთა შორის დავა გადაწყდება საქართველოს სასამართლოში, საქართველოს მოქმედი კანონმდებლობით დადგენილი წესის შესაბამისად.

მუხლი 12. ხელშეკრულების პირობების შეუსრულებლობა

- 12.1. ხელშეკრულების პირობების არაჯეროვანი შესრულების ან შეუსრულებლობის შემთხვევაში, მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.
- 12.2. საქონლის მოწოდების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე მოსაწოდებელი საქონლის ღირებულების 0,2 (ნოლი მთელი, ორი მეათედი) პროცენტის ოდენობით.
- 12.3. მიმწოდებლის მხრიდან ხელშეკრულებით ნაკისრი ვალდებულებების სრულად შეუსრულებლობის შემთხვევაში, მიმწოდებელს ეკისრება პირგასამტეხლო სახელეკრულებო ღირებულების 5 (ხუთი) პროცენტის ოდენობით.

მუხლი 13. ხელშეკრულების მოქმედების ვადა

- 13.1. წინამდებარე ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 30 აპრილის ს ჩათვლით.

მუხლი 14. განსაკუთრებული პირობები

- 14.1. მხარეები თანხმდებიან, რომ ის ურთიერთობანი, რომელიც არ იქნა მოწესრიგებული წინამდებარე ხელშეკრულებით, რეგულირდება საქართველოს მოქმედი კანონმდებლობით;
- 14.2. ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს თანაბარი იურიდიული ძალა აქვს.
- 14.3. ხელშეკრულების ერთი ეგზემპლარი ეგზავნება "მიმწოდებელს", ხოლო ორი ინახება "შემსყიდველ ორგანიზაციაში".

მუხლი 15. მხარეთა რეკვიზიტები:

„შემსყიდველი“

საქართველოს მთავრობის ადმინისტრაცია
ქ. თბილისი, ინგოროყვას ქ. №7
სახელმწიფო ხაზინა
ს/კ 204454198

ადმინისტრაციული მართვის დეპარტამენტის უფროსი

/ი. ბეგიაშვილი/

„მიმწოდებელი“

შპს „ანკო“
მის: ქ. თბილისი, ი. პეტრიწის N5ა
ს/ს თიბისი ბანკი
ბ/კ TBCBGE22
ა/ნ GE28TB7802736080100001
ს/კ 405050885

დირექტორი

/ა. მეტრეველი/

უფლებამოსილი პირის ხელმოწერები

მატერიალურ-ტექნიკური უზრუნველყოფის სამსახური

იოსებ ლომთათიძე

საფინანსო დეპარტამენტი

ზურაბ წითლაური

იურიდიული დეპარტამენტი

ზაზა თაქთაქიშვილი

შესყიდვების სამსახური

ირაკლი თოფურია

